

## La gatamina qui hè traucs / La gatamina traucaira

Dens l'esluc de la lua, un uevòt que's repausa sus ua huèlha.

Un beròi dimenge matin, lo só que's lhèva e POP ! Ua gataminatòta que sòrt de l'ueu. Qu'a ua hami de nau dias.

Autanlèu, que s'en va cercar viòca.

Lo diluns, que craca dens ua poma. Qu'i hè un trauc. Mes qu'a tostemps hami.

Lo dimars, que craca dens duas peras. Qu'i hè dus traucs. Mes qu'a tostemps hami.

Lo dimècres, que craca dens tres pruas. Qu'i hè tres traucs. Mes qu'a tostemps hami.

Lo dijaus, que craca dens quate ahragas. Qu'i hè quate traucs. Mes qu'a tostemps hami.

Lo divès, que craca dens cinc pomas d'irange. Mes qu'a tostemps hami.

Lo dissabte, que craca dens un tròç de còca, un glacet, un cogomet, un tròç de gruyère, un saussisson, ua shuqueta, ua quartier de crostada a las cerisas, ua saussissa, ua pompeta e ua lesca de pastèca.

Aquèra nueit, qu'a mau de vente !

L'endedia, que torna estar dimenge. La gatamina que craca dens ua beròja huèlha verta e que s'arrevita.

Adara, n'a pas mèi briga de hami. Mes n'ei pas mèi ua gataminèta. Qu'ei vaduda bèra e grassa.

Que s'apita un ostau – un cocon – e que s'i acocola. Duas setmanas arron, quan lo trauca entà s'en sortir...

...qu'ei vaduda un parpalhon deus beròis!